

形勝志

濟南府優廩生樂守綱

形勝志序

昔周大封諸侯伯禽治魯太公治齊以為衆諸侯長至戰國而稱為四塞之區號曰東秦漢韓信自請為齊王後漢耿弇亦攻祝阿而發迹至南北分疆羣雄並起無不於此爭逐以窺天下有唐以來其戰畧不勝屈指沿至五季而齊魯之間蹂躪極矣宋興草澤奸雄多竊據以為亂南渡後則金元皆爭此為先明代倭寇不靖而濱海地之防禦刻不容懈曠觀列代俯察地利而知山東自古為形勝之國也夫山東之與

京畿犬牙相錯者耳其名山有岱宗而沂山琅邪諸峯四圍環列水則東海為壑漕河貫注於中穆陵一關尤為南北樞紐若古長城齊長城秦長城皆踰山連嶺分界中外其間柵寨鎮驛陸程水遞及諸山之層峯危嶂海中之口岸島嶼若可屯兵若可積糧若可為犄角之勢若可為連雞之形近捍

京師遠界江徐胥於山東決成敗焉夫長安為興王之地建業為王者之都規模宏敞固足為方輿勝乃歷覽史冊手創洪圖者其發迹多自山東始誠以東國南接江淮北攝燕趙西鄰晉鄭東據海疆洋洋數千里洵神州之奧府也而土地平曠尤足資英雄之用武故約其疆封奠其險要即

皇圖之鞏固視此矣爰為之志形勝



山東省

濟河惟兗州九河既道雷夏既澤灘沮會同海岱惟青州岨夷既略濰淄其道海岱及淮惟徐州淮沂其乂蒙羽其藝大野既豬東原底平書禹正東曰青州其山鎮曰沂山其澤藪曰望諸其川淮泗其浸沂沐河東曰兗州其山鎮曰岱山其澤藪曰大野其川河濟其浸雷灘東北曰幽州其山鎮曰醫無閭其澤藪曰獫狁其川河濟其浸淄時禮周自東河至於東海千里而遙方輿紀要魯有大野齊有海陽爾雅蒲姑商奄吾東土也左傳東至於海西至於河南至於穆陵北至於無棣上同魯有弁費齊有渠邱國語長城之陽魯也長城之陰齊也管子亢父之險車不得方軌騎不得比行百人守險千人不能過也戰國策

齊南有泰山山東有琅琊西有清河北有渤海此所謂四塞之國也同上山東自上世以來為心腹根本之地宋蘇軾語山東東據海南距淮西接梁宋北走燕趙其名山則有泰山琅琊沂山其大川則有濟水汶水會通河海其重險則有穆陵方輿紀要濟南府

南阻泰山北襟渤海擅魚鹽之利界河淮之中誠肘腋重地也方輿紀要齊州當四達之衝南不得齊州則無以問河濟北不得齊州則不敢窺淮泗西不得齊州則無從得志於臨淄東不得齊州則無以爭衡於阿鄆是故山東有難齊州嘗為戰守之衝同上東接臨淄之饒西阻濟河之限眾泉競發而匯流於南北各郡分列而達道於東西嘉靖舊志兗青分扼在左右肘腋之間汶衛交滌為南北襟喉之地舊志通

歷城縣 附郭

東平陵城 府東七十五里 平臺城 府東北三十里 鮑城 府東七十里 春秋時諸侯

爭齊多在歷下自戰國以迄秦楚之際歷下多事則齊境必

危 方輿紀要 屏歷岫而展鵲山襟明湖而帶清濟 舊通志

巨里城 府東七十里 亦曰巨合 歷城有巨里聚今為龍山鎮舊有遞運

所今華龍山馬驛置於此 郡國志

石固寨 山名府南五十里 下有渴馬巖南有瓢峯鳳凰山西有丁公

嶺東有虎山山居其中頗為險固昔人置寨於此因以名山

堰頭鎮 府東北二十里 亦曰下灤亦曰灤口即灤水入大清河處築

堰以分其流因曰堰頭堰南即小清河也今仍為交流之所

有巡司戍守

賴亭 在府東近章邱縣界 左傳哀十年晉趙鞅伐齊毀高唐之郭及賴

而還即此 俱方輿紀要

章邱縣

陽邱城 縣東南十里 菅城 縣西北三十里 朝陽城 縣西北六十里 崔城 縣西北十五里

獠城 亦在縣西 亭山城 縣西南六十里 消水直通於濟瀆濼河曲注于淄

門 舊通志

長城嶺 縣南九十里 與萊蕪縣接界志云嶺間有古長城昔齊宣

王所築以禦楚寇西接平陰東距大海

黃巾固 在縣北 後漢末黃巾保聚於此齊人謂壘堡為固亦謂

黃巾城 俱方輿紀要

鄒平縣

東鄒城 在縣東北 梁鄒城 縣北四十里 平原城 縣東十二里 印臺南峙擁長

白以嵯我瀾水西流注小清而蕩漾 舊通志

鄒關縣西北十三里昔常置關於此今廢

青陽店縣西三十里有青陽店馬驛兼置遞運所於此今遞運所

革

臨河鎮在縣西臨清河宋明道二年廢淄川臨河鎮以避水患蓋

是時大河自東平溢入小清河為東方患也又孫家鎮在縣

北三十里俱方輿紀要

淄川縣

般陽城在縣治西土鼓城縣西五里昌國城縣東北三十五里本名昌城逢陵城

縣西南四十里萊蕪故城縣東南六十里萊谷重關般陽與壤舊通志

徐關在縣西春秋成二年齊侯敗於鞏齊侯自徐關是也舊志

縣有古徐關方輿紀要

長山縣

於陵城縣西南二十里廣川城在縣東南苑城縣北二十里舊有苑城店山圍長白河

繞雙清舊通志

于亭在縣西杜預曰於陵縣西北有于亭齊夫子邑也陳桓子

以封齊公子周

白山馬驛在城北門外舊置遞運所於此今革俱方輿紀要

新城縣

會城縣東北五十里魚龍灣在縣東北四十里清河泊在縣西北二十五里鐵山四角

山拱揖東西烏水清河映帶左右舊通志

索鎮店在縣東南與青州府臨淄縣接界志云臨淄西安故城亦

謂之索鎮其地相近也時水經此可通舟楫方輿紀要

齊河縣

晏城縣北十五里今縣治南有晏城馬驛蓋以此城名高唐城今在

縣西六十里 跨濟瀆之清流接岱宗之大麓舊通

見禹城縣 耿濟鎮在縣東一里東漢建武五年耿弇拔祝阿遂渡濟水向歷

城鎮因以名

野井亭在縣東濟河北岸春秋昭二十五年齊侯唁公於野井漢書

祝阿縣有野井亭蓋其地舊屬祝阿也俱方輿紀要

齊東縣

魏王城縣西南三十里延安城在縣西二里齊東舊城在縣治東大清河東岸遺址尚存

控海名區瀕河重鎮舊通志

濟陽縣

新市城縣西六十里邾城在縣西二十五里邑當濟漯之間地駕鄒譚而

上舊通志

聞韶鎮在縣東北三十里相傳孔子聞韶處有聞韶臺方輿紀要

德州

廢陵縣在州龍湊城在州東北雲城在州西控三齊之肩背為河朔

之咽喉方輿紀要

方山東抱衛水西環乃燕齊扼塞之衝兼水陸會通之道舊通志

陳公隄州東南五里西南入東昌界宋陳堯佐守滑時築此隄以

障黃河水患故名

桑兒園州北七十里良店水驛置於此又北三十里即北直景州

之廢安陵城也正德中馬申錫駐桑兒園招流賊劉六等即

此

梁家莊水驛在州南七十里接直隸故城縣界與城西安德水驛皆

為運道牽挽要途

太平馬驛在州南七十里又州城南有安德馬驛蓋州當南北之孔道

啟馬亭州北十里唐太宗征遼嘗駐於此又德州遞運所在城北

三里衛河之濱永樂七年置并建水次倉於此今遞運所與

太平驛俱廢俱方輿紀要

德平縣

平昌城縣東北一里高縣城縣東十里般城縣東北三十里重平城縣西北三十里齊

履捍其北鄙高津據乎上游舊通志

繇堤在縣西南二十五里相傳伯繇所築斷續高卑約十餘里

楊二莊在縣境正德中裨將許達殲賊於此俱方輿紀要

禹城縣

祝阿城縣西南十七里高唐城縣西四十里轅城在縣西北一云縣南百里斗城在縣西南

鍾城在縣東南百餘里昔韓信破歷下以開基將軍攻祝阿而發迹

此皆齊之西界功足相方漢光武帝謂耿弇語具邱獨秀於中皋澤水

朝宗於巨壑舊通志

瓮口戍在縣南即慕容隆破張願處

劉普馬驛舊置於縣西十五里成化十一年遷於縣治南俱紀

方輿要

臨邑縣

臨邑城縣北十五里著城縣東南五十里潔陰城縣西十里阿陽城在縣南歸化

城在縣西南臨潔水北繞鈞盤舊通志

四瀆津在縣南接臨清廢縣境後魏普泰二年高歡入鄴爾朱世隆在

洛謀拒歡使齊州行臺尚書房謨募兵趣四津又使其弟青

州刺史弼趣般城揚聲北渡為犄角之勢今津流遷改故迹

已湮

鹿角關縣北十五里舊有鹿角津大河所經也唐置關於此周圍

四里俱方輿
紀要

平原縣

平原城舊城在縣西
南五十里 繹幕城縣西北
二十里 揚虛城在縣
北 桑邱城在

縣西二年齊王田榮與項羽會戰於城陽敗走平原為平原

民所殺漢紀趙邑齊封錯壤高津馬頰交滌舊通志

張公故關在縣南 唐志德州有張公故關即縣之張公渡矣平接

張公渡即原津今堙

桃園馬驛在今縣治西南 縣當往來通道也俱方輿
紀要

陵縣

故德州城即今縣治 白石城縣北二
十里 三汊口城在縣
東南 厭次遺墟膏

資廣陸平原舊治險設重城舊通志

神頭店縣東北二十里方輿
紀要

長清縣

長清故城縣東南
三十里 盧城縣西南二
十五里 碣磬城在縣
西北 山荏城縣東北
三十里

濟北廢縣在縣西
三十里 升城在縣
東北 鼓城在縣
西 垣苗城在縣
東北 馬防城

在廢盧縣東 石塞城在縣
西南 列嶂魏魏引齊防而宗泰岱泉泉瀧瀧

會魯濟以赴滄溟舊通志

濟州關在縣西 即碣磬津也後周武帝置關於此隋末關廢

石都寨在縣東南
七十五里 有巡司戍守

清亭在縣東 春秋哀十一年齊伐我及清杜預曰盧縣東有清

亭以清水所經而名

石門在縣西南 石門齊地今盧縣故城西南六十里故石門去水

三百步蓋水清流移石門舊在岸側也今圯於河

廣里在縣西南 志云平陰城北有防門又北有光里齊人言廣音

與光同左傳所謂斬防門而守之廣里者也俱方輿紀要

泰安府

歲二月東巡守至於岱宗書舜泰山巖巖魯邦所詹詩魯古

者封泰山禪梁父者七十二家管子泰山之陽則魯泰山之陰

則齊史記貨殖傳境接青疇俯瞰獲麟之渡山開翠岵斜連辨馬

之峯唐駱賓王文襟帶濟河控援魏博舟車四達屹為要津紀效新書

魏氏曰泰山忽馬特起博厚崇隆拱衛南北自此羣山翼帶

直抵海濱為天下之奧區神皋形勝直與關中並峙方輿紀要北

阻泰山南臨汶水介齊魯之間為中樞之地山東形勝莫若

泰山泰山之形勝萃於泰安同上畫社分垌實青徐之根柢設

郵置堦乃南朔之樞機舊通志

泰安縣附郭

奉符廢縣今府治春秋時奉高廢縣府東北贏城府東南括

地志博城東北三十里汶水有明堂故城志云此周明堂也

其在州東十里者曰漢明堂方輿紀要泰山鬱確憑玉几於徂徠

泮水漣漪結象環於石汶舊通志

長城嶺府西北志稱齊威王築城以備楚自平陰緣河歷泰

山北岡上東至海千餘里管子所謂長城之陽魯也長城之

陰齊也即此

蜀亭在府西春秋成二年楚侵魯至蜀魯請盟遂及楚人及諸

侯之大夫盟於蜀杜預曰博縣西北有蜀亭又有紅亭左傳

昭八年大蒐於紅至於商衛杜預曰奉高西南有紅亭接宋

衛也

龍鄉在府西南左傳成二年齊圍龍取龍遂南侵及巢邱杜預曰

龍鄉

龍魯邑在博縣西南

湯橋在府西北陸澄曰博縣有陽橋蓋地名無橋也春秋成二年楚侵衛遂侵魯及於陽橋俱方輿紀要

東平州

須城廢縣今州治古須昌城州西北無鹽城州東二十里鄆城州

東六里留舒城在州西陽州城在州東北梁山山西峙汶水東流舊通志

安民亭在州西南漢建安六年曹操破袁紹就穀於安民即

此今為安山鎮

遞防鎮在州南後唐初李嗣源入鄆梁王彥章踰汶來攻嗣源

遣李從珂逆戰敗其前鋒於遞防鎮

樂亭在須昌故城西唐乾寧三年朱全忠將葛從周擊鄆帥朱瑄自

揚劉而南戰於故樂亭大破鄆兵

成昌聚在州西莽地皇三年王匡等自無鹽進擊赤眉別校董

憲於梁都合戰成昌匡等大敗

清口戍在州西水經注濟水東北過安民亭南汶水從東北來

注之戴延之所謂清口也

馬家口在州西北其西南為鄒家口又西即東河縣之揚劉鎮今

堙

劉公橋在州東二劉裕北伐時所置因名其地有小城謂之

烽倉城蓋是時立烽堠置倉庫之所今城址猶存

戴村在州東六十里永樂九年用汶上老人白英策築壩於此橫亘

五里以過汶水今謂之戴村壩

金線關在州西北即張秋鎮河東岸也有巡司戍守又州西有金

線關遞運所今俱革

俱方輿紀要

東原馬驛在州南安山水驛在州西南十五里舊志

東阿縣

東阿故城縣西二里穀城即今縣治挑城在縣西南四十里揚劉城縣北六十里

城頭黃石瞰狼水以巖巖渡口清河貫魚山而浩浩舊通志

金堤在安平鎮南參差隆起延亘鄆濮俗稱始皇堤漢文時

河決酸棗東潰金堤

安平鎮縣西南六十里本名張秋俗仍謂之張秋鎮又荆門水驛在

鎮城北隅上下二閘設於此又有稅課局亦置於鎮城內

南穀鎮縣南十里以在穀城南故名又南十八里曰利仁鎮縣

北十里曰新橋鎮又北三十里有銅城驛

尹卯壘在縣西北濟水北過穀城縣西水側有尹卯壘南去魚山

四十里

鴛下聚在縣西南杜預曰穀城縣西有地名鴛下又周首亭杜預

曰亦在穀城東北

清亭在縣東北京相璠曰東阿東北四十里有清亭又縣西二里

有三歸臺相傳即管仲所築俱方輿紀要

平陰縣

平陰故城在縣東北三十五里榆城在縣西北二十里石門南峙遙聯大檻之

雄濟水西環近接鉅防之險舊通志

長城在縣東括地志長城西北起濟州平陰縣東至密州琅邪

臺入海郡縣志故長城首起鄆州平陰縣北二十九里是也

滑口鎮縣西三十里有巡司戍守又縣有陳宏遞運所今皆革俱方輿紀要

新泰縣

東平陽城在縣西東西侯城縣西北四里新甫高標平陽曲注西瞻

泰山南望龜蒙舊志合採

上四莊縣西七有巡司又縣西五里有谷里相傳古齊魯會

盟處方輿紀要

萊蕪縣

牟城縣東二裏頭城縣東北平州城在縣宮山如屏汶水如

帶舊濟南府志

馬耳關在原山西麓又青石關在瓮口山下又縣西南三十

五里有雁翎關今俱廢

艾陵亭志云在縣東北春秋哀十一年公會吳伐齊敗齊師

於艾陵即此俱方輿紀要

肥城縣

肥城故城在縣岱宗峙其左陶牛環其右五嶺盤踞諸泉導

流舊濟南府志

三布口在縣與泰山相近又句窳亭在縣漢章帝元年鳳集

肥城句窳亭即此

安甯村縣南四舊置馬驛於此與五馬嶺為兩驛嘉靖四十

三年并為一驛曰五甯驛又有大石巡司在縣北十里俱方輿紀

要

武定府

渤海之間一大都會也史記齊北有渤海之利漢書田肯語九河之

會五壘之居寰宇記南連清濟北接滄瀛右控平原左環渤海

所以屏蔽畿甸權衡南北也新書四際平曠中區突起古無

棣之墟用武之國也舊濟南郡志北繞高盤南交濟漯雄稱無棣

險恃滄溟舊通志

惠民縣 附郭

厭次廢縣 治今府 蛤梁城 在府南 樂安舊壤寄東國之屏藩無棣

名區壯北門之鎖鑰 舊志

清河鎮 在府東南 有巡司戍守 方輿紀要

陽信縣

陽信故城 在縣西 南七里 馬嶺城 縣東 又故千乘城及博昌城 均在縣西

棣城翰青野之封信水伏黃河之脈 舊志

海豐縣

廣武城 在縣北 八十里 龍且城 縣北 二 禹瀆東流鈞盤既道齊疆北

至無棣稱雄 舊志

無棣城 縣北 三 相傳即齊之無棣邑管子所謂北至無棣者

棗園 縣西北 十里 明成化間伐木為橋以便行旅凡三座延袤一

里餘謂之棗園橋 俱方輿紀要

樂陵縣

樂陵故城 縣南 二 高津城 在縣西南 福城 在縣西北 三河順軌以環流

兩省分圻而繡錯 舊志

舊縣鎮 在縣西北 三十里 有巡司戍守 方輿紀要

濱州

渤海廢縣 治今州 大營城 縣西 二 濱海為險魚鹽饒給固景滄

之屏藩連遼碣之形援蓋海道之襟喉三齊之戶牖也 新書紀效

河伯之鄉海王之國 舊志

秦臺 在州東北 二十里 相傳秦始皇東遊築此以望海 方輿紀要

利津縣

官窰城 在縣南 蠟浦朝宗鐵門鎖浪 舊志

鐵門關縣北七十里 舊置關於此以控濱海之險稍東豐國鎮也

方輿紀要

霑化縣

富國鎮縣東七十里 豐國鎮縣北七十里 利國鎮縣東九十里 表裏齊疆縱

橫秦壘舊通志

久山鎮縣東北七十里 設有巡司方輿紀要

蒲臺縣

涇沃城在縣東南 關臨廣斤鎮表清河舊志

龍居店縣東十五里 亦曰龍混鎮相傳宋太祖微時嘗潛寄於此

方輿紀要

青城縣

宅清河之沃土控滄海之要津舊志

商河縣

初縣城在縣西北 麥邱城亦縣西北 商流南繞馬頰北趨衛齊履以為

垣倚漢隄而作固舊通志

高橋縣東南四十里 舊置驛於此志云縣有高橋商河二驛及三岔

口歸化鎮二巡司今皆革方輿紀要

兗州府

穀泗以往奄自龜蒙為梁楚史記諸侯王表 前有淮水後有

岱宗蒙羽之向洙泗之流大野廣土曲阜尼邱博物志 據河濟

之會控淮泗之交北阻泰岱東帶琅邪地大物繁民殷土沃

用以根柢三楚囊括三齊直走宋衛長驅陳許足以方行中

夏新紀效 據五方水陸之通衢作四國蕃宣之重地舊通志

滋陽縣附郭

瑕邱城府西二十五里昌平城府東南八十里檀城在府東北秀擁嶺山清涵沂水舊志

新嘉驛府西北十五里又府南七十里有沙河驛其相近者又有沙河遞運所

高吳橋府西北三十里為南北津途宋元符初建金口閘府東五里元至元中所建稍南曰金口堰成化中所修滾

水石壩也又府西十里曰土婁閘又西二十里曰杏林閘皆元至元中建俱方輿紀要

曲阜縣 魯城今縣治奄城在縣東二里邾城縣西南二十里汶陽城縣東南四十里尼防翼

峙洙泗襟滌舊志 坳澤縣東九里即魯僖公牧馬處俗名連泉澤

蒲圃在縣東門外左傳定八年將享季氏於蒲圃而殺之即此又城中舊有棘下里又有屯鄉在縣南俱方輿紀要

寧陽縣 寧陽故城縣東北十九里鉅平城縣東北九十里剛城縣東北十五里闡城在故城

北陽關城在縣東北蛇邱城在縣西北鑄城亦在縣西北遂城在蛇邱廢謝城在縣東伏山行脈於寧山洸水分流於汶水舊通志

青川村縣北三十里置驛於此曰青川村驛又東臺在縣東北十里俗名梁王點軍臺

堽城堰在縣東北三十四里元置堰又堽城新石堰置閘啟閉以時蓄洩在今城西北三十里俱方輿紀要

鄒縣 邾城在縣東南三十六里南平陽城縣西三十里今漆城北在縣北九龍連

因以向城白馬匯泉而入運舊通志

界河驛縣東南五十里又縣城西有邾城驛方輿紀要

泗水縣

卞城在縣東五十里梁父城縣北四十里郚城在縣東南桃墟城在故卞陪尾透

迤泗河浩瀚舊通志

菟裘聚在縣西北即魯隱公所營者又庚宗亭在縣東方輿紀要

滕縣

滕城縣西南十四里薛城縣西四十里仲虺城在薛城西三十里邽城縣東六里

常城在縣東昌慮城縣東南六十里戚城縣西南五十里桃山城在縣東休城縣西

二十里靈邱城在縣東三十里垆城縣東五十里梁城在縣東郛河之南有

時戍守處援鄒接嶧導沈通徐舊通志

代陂在縣東褚裒遣部將王龕等迎擊趙將李農戰於代陂敗

沒即此

臨城驛縣南七十里志云城東有滕陽馬驛此為臨城馬驛南北

陸道所經也又縣南九十里沙溝集巡司俱方輿紀要

嶧縣

承城縣西北一里蘭陵城縣東六十里郛城縣東八十里偃陽城縣南五十里合

鄉城在縣西北建陽城在縣西二疏城在縣東四十里山勢爭迴葛嶧流泉

競注滄浪舊通志

渣口戍在縣東南即今之泃口又鄒塢鎮在縣西六十里今有巡司戍守

方輿紀要

陽穀縣

陽穀舊城在縣北五十里古阿城在縣東北五十里薛陵城在縣西南穀山

隆起汶水紆流舊通志

會盟臺在縣南即齊桓公會江夏時所築亦名陽穀亭

小韓寨在縣東北二十里元知院官韓志所修築亦曰小韓寨城遺址猶存俱方輿紀要

壽張縣

壽張故城在今縣東五十里張城在縣南黃河舊險半繞梁山漕運通

津全資汶水舊通志

微鄉在縣南春秋莊二十八年築郟公羊傳以為微蓋魯邑也

高梁亭在縣東北宋元嘉八年檀道濟斬魏濟州刺史恚煩庫結

處俱方輿紀要

汶上縣

中都城在縣西平陸城在縣北郟城在縣西北封疆介齊魯之間漕

運總河湖之會舊通志

闕亭在縣西南有高阜六七

開河水驛在縣西南三十里又縣東南有新橋馬驛蓋縣為水陸通衢

也俱方輿紀要

濟甯州

東盤琅邪西控鉅野北走厥固南馳互鄉李白任城廳壁記南通江

淮北連河濟控邳徐之津要扼宋衛之噤喉新紀效

任城廢縣治今州亢父城在州南五里桃鄉城在州東北六十里邾城在州東南樊

城在州北翼魯郊而控宋野環汶水而帶泗流舊通志

魯橋鎮在州南五里為運道所經有魯橋閘又置魯橋驛及遞運

所巡簡司於此隆慶中驛與遞運所俱廢又南城水驛在南

門外其旁有遞運所又舊置城東康莊二驛今俱廢方輿紀要

金鄉縣